



La Ministre

Luxembourg, le 12 juin 2020

Monsieur Marc Hansen
Ministre aux Relations avec le Parlement
Service central de législation
43, bld Roosevelt
L-2450 Luxembourg

Concerne : Question parlementaire n°2200 du 13 mai 2020 de l'honorable Député Marc Goergen concernant les réunions du collège des bourgmestre et échevins

Monsieur le Ministre,

J'ai l'honneur de vous faire parvenir en annexe la réponse à la question parlementaire sous rubrique.

Veillez agréer, Monsieur le Ministre, l'expression de ma haute considération.

La Ministre de l'Intérieur

Taina Bofferding

Äntwert vun der Madame Inneministes, Taina Bofferding, op d'parlamentaresch Fro n°2200 vum honorabelen Deputéierten Marc Goergen zum Sujet "Réunions du collège des bourgmestre et échevins"

Den honorabelen Deputéierten rensignéiert sech iwwer d'Rechter vun den Oppositionspolitiker.

D'Notzung vu Gemengegebaier duerch d'Membere vum Gemengerot ass gesetzlech net expressis verbis gereegelt. Deemno läit et bei de Gemengenautoritéiten selwer fir dat ze reegelen. D'Gemengegesetz kann een sou interpretéieren, dass de Schäfferot d'Autorisatioun ka ginn, Lokaler vun der Gemeng zur Verfügung ze stellen, ënnert der Konditioun, dass dat fir eng kuerz Dauer ass a kee konkret Recht do drop entsteet. Eleng de Gemengerot kann décidéieren, fir Lokaler vun der Gemeng méi laangfristeg zur Verfügung ze stellen¹.

De huis-clos vun de Sëtzunge vum Schäfferot ass justifiéiert duerch de Rôle deen de Schäfferot, zu engem groussen Deel als Organ vun der Gemeng huet. Dëse bereet engersäits d'Affairen vir déi dem Gemengerot ënnerbreet ginn, anerersäits ass hien och fir d'Ausféierung vun den Entscheedungen zoustänneg. Déi Punkten déi de Schäfferot op den Ordre du jour vum Gemengerot bréngt, ginn och ëffentlech vum Gemengerot entscheet oder ofgeleent, sou dass dem Schäfferot seng Virschléi zu ëffentlechen Discussiounen an och Vote féieren, ausser wann et gesetzlech oder wéinst den Ëmstänn néideg ass, dass de Gemengerot à huis-clos zesummekënnt. Am Virfeld vum Gemengerot ass et essentiell, dass de Schäfferot d'Dossiere vum Gemengerot vertraulech an, an enger gewëssener Sérénitéit ka virbereeden an dono ausféieren. Dobäi hunn d'Membere vum Gemengerot ausdrécklech Zougang zu alleguer den Délibératioune vum Schäfferot déi an der Ausféierung vun den Entscheedungen vum Gemengerot geholl ginn a kënnen dem Schäfferot Froen iwwer d'Verwaltung vun der Gemeng stellen. De Schäfferot muss entweder schrëftlech bannent engem Mount oder an der nächster utiler Sëtzung vum Gemengerot äntwerten. Et ginn also gesetzlech verankert Méiglechkeete fir de Schäfferot ze kontrolléieren.

D'Reform vum Gemengegesetz gëtt mir d'Geleeënheet fir zesumme mat de Gemenge méi déifgräifend Iwwerleeungen iwwer de Fonctionnement vum Gemengerot a vum Schäfferot ze féieren.

¹ v. V. De Tollenaere, Nouveau Commentaire de la Loi Communale Tome II, Larcier 1955